

大正天皇御製詩集 下

311

115



始



宮內省圖書寮寄贈本

大正天皇御製詩集卷之下

大正元年

示德大寺實則

夙贊中興諧

聖衷星霜四十 寵恩隆喜卿謹恪無儔匹

獎美拾遺全始終

川越閱大演習



風度幕營生峭寒曉來霜氣撲征鞍兩軍方
習攻防術好自入間河上看

醫

珍重醫家術本仁況逢藥物逐年新好參天
地生生理億兆盡為無病人

養蠶

采桑兒女集離邊終日養蠶宵未眠辛苦憐

311
115

他尚年少鏡中不管減嬋妍

來燕

傍花掠水帶霏烟飛入氍毹楊柳邊畫閣雕
梁夢應穩春風依舊又今年

歸燕

翩翩何事向南歸海上煙波夕照微期汝明
春花發日高樓重掠畫簾飛

大正二年

人日

新年七日喜新晴
內苑風暄春鳥鳴
一笑廚人諳節物
寒梅花下菜羹成

駐春閣

東風料峭帶餘寒
禁苑斑斑雪尚殘
今日來登駐春閣
早梅花白映欄干

禁園所見

禁園何所見樹濕雨有痕
林間橫幽石苔生
風漸溫長松何磊落
徑邊認盤根竹林帶晴
日幾處長龍孫逍遙自
適意一笑解勞煩黃
鶯時宛轉行看草花繁

暇日

萬機有餘暇從容坐南堂
雨餘流水響梧桐

晚風涼前林催暝色唯有歸鳥忙

解籜

花飛已委泥無復怡人目
解籜散薰風一林
修竹綠

讀乃木希典惜花詞有感

草長鶯啼日欲沈
芳櫻花下惜花深
櫻花再發將軍死
詞裏長留千古心

示高松宮

欽堂英邁竭誠忠天潢疏派德望崇幾歲沈
痾增憔悴杜門白沙青松中眉目清秀儀容
好況復雅度而冲融一旦遊仙雲縹緲護國
寺邊夕陽空早有瓊樹孤孽折錦幃哀淚思
不窮薤露歌悲何忍聽遺恨父子命相同朕
第三子出為嗣特旨賜稱高松宮學問不倦

受慈訓自今長期福偏隆

恭遇

皇考忌辰書感

上誅敘哀宵已分樹陰燈火雨紛紛

靈輜徐出葬場殿悵望西天低黯雲

又

億兆今朝涕淚新

靈輜肅肅路無塵翻思千里桃山上杜宇聲
聲啼血頻

八月二日奉遷

皇考神位於

皇靈殿恭賦

神位今朝茲奉遷

皇靈殿外奏朱絃諒聞一歲真如夢從此心

喪更幾年

憶陸軍大將乃木希典

滿腹誠忠世所知武勳赫赫遠征時夫妻一
旦殉明主四海流傳絕命詞

乘馬到裏見瀑

山中跨馬緩緩行綠樹風涼聽蟬聲石徑崎
嶇時移步忽看懸瀑白練明如雨如霧飛沫

散清冷之氣襲衣生笑踞巖角擅吟賞往復
不必問里程

到鹽原訪東宮

巖下流水有清音屋後青山好登臨鹽原光
景佳絕處東宮相見情轉深携手細徑樂閒
步亭午同餐共怡心歸路入山又出野暮色
蒼茫滿雲林

喜二位局獻薜花

薜花佳色弄曉晴葉上團團露珠清此物幽
閒殊堪愛風流進獻有餘情喜卿平生重修
養資質貞靜且聰明更娛詞藻能延壽不比
世間一朝榮

夜雨

冷雨中宵到瀟瀟響砌階夢醒燈火底秋意

入間懷

秋雲

秋雲度天半淺淡薄于羅此夜南樓上月明
風露多

皇太后將謁

桃山陵內宴恭送

新秋移居入皇宮諒閣一歲意何窮恭迎

太后開內宴座有懿親情相同姻族近臣亦
陪侍西風送涼滿簾櫳回首
桃山陵寢遠山河相隔西與東

吹上苑習馬

秋風拂面氣新鮮苑中習馬好加鞭侍臣從
後何颯爽行樹少停汗漣漣雨後馬埕塵不
起緩驅疾走共整然樓上歸來一回首嘶聲

搖曳林樹邊

車中作

百里行程鐵路通
飈輪快走疾於風
眼前光景卜秋熟
萬頃秧田翠接空

看菊有感

光陰冉冉已深秋
閒步園中景色幽
菊帶露華如有淚
諒闇天地物皆愁

癸丑秋統監陸軍大演習有此作

晴日跨馬出城行
路傍民庶送又迎
揚鞭直登八事山
山下幾處聞軍聲
青紅樹色相掩映
百里曠原一望平
憶起二十年前事
先帝此地閱大兵
櫻樹猶護駐蹕處
秋風蕭颯難為情

秋夜即事

上林霜落氣蕭森
樹帶秋聲夜已深
座有詞臣尚相侍
南樓燈火兩詩心

新嘗祭有作

神嘉殿裏獻新穀
修祭半宵燈火鮮
偏願國中豐稔足
五風十雨一年年

歲晚書懷

歲晚天晴月似鎌
北風吹起動畫簾
此時獨

坐中心痛傳聞水旱苦
蒼黔牧民今日要救
助夜深燈前感更添

偶感

世上何事貪苟安
苟安畢竟成功難
廓清弊事要慎重
舉頭仰望碧落寬
有司唯能盡其職
勿使黎民憂飢寒
磻溪老翁宜出任
今日不須把釣竿

教育

大中小學育俊英教育從來任不輕切磋琢
磨須勉勵天下皆期大器成國家隆盛因問
學于文于武要相并

日本橋

絡繹舟車倍舊饒高樓傑閣聳雲霄神州道
路從茲起不負稱爲日本橋

比叡山
山中多老木蒼翳翳斜陽石徑行人少鐘聲
出上方

武內宿禰
老軀能護主忠愛匹儔稀絕海從征戰風
雲入指揮

小池

蘆梢生晚風魚躍小池裏樹上月方昇玲瓏

照秋水

海上明月圖

蒼溟千里濶明月照波濶半夜秋風動魚龍

不耐寒

瘦馬

瘦馬看來感慨生崎嶇山路仰天鳴臨風戀

舊尤憐爾朔北當年從遠征

贈貞愛親王

萬里邊城曾督師山河幾處足驅馳
如今在內資初政欲使黎民樂盛時

櫻島噴火

櫻島噴火變忽聞聞來不覺眉幾顰
居民狼狽爭避難黑煙濛濛冲天頻
家屋畜產皆焦土誰識天明跡已陳
直遣侍臣審視察不日

歸來定報真大艦救急自遠到況復警護有
陸軍常願四海長靜謐今日何事祝融瞋一
視同仁是吾事欲使治化被兆民天災地變
真難測要恤無衣無食人

示學習院學生

修身習學在文園新固宜知故亦溫勿忘古
人螢雪苦映窓燈火郭西村

入春夜聞雨

春城瀟瀟雨半夜獨自聞料得花多發明日
晴色分農夫應尤喜夢入南畝雲麥綠菜黃
上蝴蝶隨風紛

清明

清明時節柳垂絲爛漫紅桃花滿枝好向駐
春閣邊過東風習習午晴時

六月十二日即事

幾時能見一天晴節到黃梅雨滿城池上已
涵荷葉影樓頭又過杜鵑聲禁園漠漠千章
樹廣陌茫茫萬戶甍明日桃山拜 陵處白
雲黯淡定傷情

六月十八日作

雲黯無由解我顏雨聲淋瀝響林間去年今

日猶能記一路薰風入葉山

園中即事

知是梅雨斷雲散禁園晴千章夏木秀已間
早蟬鳴綠陰佇立處黃梅標有聲

聽笛

夏夜涼風裏誰弄玉笛音數聲已溜亮一曲
感更深支頤間倚檻露氣滿衣襟

西瓜

濯得清泉翠有光剖來紅雪正吹香甘漿滴
滴如繁露一嚼使人神骨涼

竹溪消暑

竹溪自清幽小亭臨流碧千竿帶涼風綠陰
多苔石雨過暑氣銷鳥鳴少人跡巖下有深
潭知是蛟龍宅

山樓偶成

為愛山水有清音百尺高樓一登臨雷雨方
收天色霽涼風爽氣滿衣襟昨日看瀑知何
處樓頭指點白雲深綠樹鬱葱殊堪喜松柏
已藏歲寒心

山行

雨餘山路暮雲生鬱鬱喬杉影自清茅屋炊

煙映斜日時間童子讀書聲

盆栽茉莉花盛開涼趣可掬乃成詠

月光如水滿庭中茉莉花開盆上風馥郁使
吾胸宇淨清香來自畫欄東

聞青島兵事

炎風吹滿幕營間醫渴喫梨心自寬不比曹
瞞征戰日思梅將卒口先酸

時事有感

風雨南庭木葉疎
乾坤肅殺九秋初
況逢西陸干戈動
頻向燈前覽羽書

時事偶感

西陸風雲慘禍多
列強勝敗竟如何
山河到處血成海
神武憑誰能止戈

聽蟲聲

夜來明月照南樓
愛聽階前蟲語幽
想得山中涼氣動
禁園風露又新秋

觀月

晚天風起白雲流
明月方昇畫閣頭
遙想軍營霜露冷
勞山灣上雁聲秋

擬出征將士作

平生雄志劍相知
萬里從軍正及時
好為邦

家盡心力誓消氛
護皇基

慰問袋

作成千萬袋
盡寄遠征人
慰問情何厚
勝他

金玉珍

閩海軍占領南洋耶爾特島

艤艘破浪到南洋
孤島受降天一方
要使民

人浴皇化仁風
恩露洽枕柳

南洋諸島

南洋島嶼一帆通
散在千波萬浪中
想見早

春猶盛夏鳥呼椰子綠
陰風

重陽

登高佳節值重陽
風物清澄霜菊香
翻憶懸

軍人萬里海天西
望水蒼茫

聞赤十字社看護婦赴歐洲

御製詩集 卷下
白衣婦女氣何雄
胸佩徽章十字紅
能療創瘕盡心力
回生不讓戰場功

聞我軍下青島

所向無前是我軍
喜聞異域奏奇勳
平和時賴干戈力
東亞自今生瑞氛

秋夜讀書

秋夜漫漫意自如
西堂點滴雨聲疎
座中偏

覺多涼氣一穗燈光緜古書

初冬即事

池上白雲蔽樹間
紅葉存淒風吹後塢
寒雨洒前園對畫時
催興題詩或役魂
萬機猶有暇如坐
別乾坤

冬至

窮陰早已遇來陽
自此方添一線長
將士凱

旋恰斯日城中雲物帶祥光

偶成

良辰美景入詩歌秋月春花興趣多願使蒼

生衣食足山無噴火水無渦

勸農

夙念鄉官務勸農深耕易耨戒疎慵秋成五

穀致豐稔培養邦基百姓雍

寒夜

朔風蕭颯月侵帷正是寒雲釀雪時想得村

家貧女苦護兒燈下理機絲

詠松

參天老木勢崢嶸翠色四時無變更曾拜

先皇宸詠賜不論秦政大夫名枝頭鳴鶴瑞

聲響月下流雲祥影橫靈壽超過千百歲蒼

蒼繞膝子孫榮

團扇

團扇如明月一揮生夜涼
風流足題句南殿興偏長

古祠

林間有古祠清淨稱靈境
拂曉賽神來里人心自傲

豐臣秀吉

征伐多年戡國艱老來餘勇壓三韓
浪華城郭儼然在猶作龍蟠虎踞看

源義家

東征跋涉幾山河竹帛功名馬上多
別有風懷足千古勿來關外落花歌

源爲朝

八郎雄武有誰儔絕技穿楊膂力優破浪南
遊果何意長留遺蹟在琉球

孝子養親圖

菽水承歡養老親人憐孝子閱酸辛浮雲富
貴茅廬下日事耕耘不厭貧

將士談兵圖

燈火青熒秋氣清營中將士共談兵更闌笑

看腰間劍霜冷半天鴻雁鳴

憶舊遊有作

登山臨水遠遊曾干戈遺跡感廢興杜鵑啼
血雲漠漠林間遙認蕭寺燈人事紛糾因名
利政治由來資賢能僻鄉到處問風俗不在
吟詠事攀登

筆轉覺潔吟魂

登臺

雨後登臺處春風淑氣催煙波千里闊長嘯
意悠哉

和貞愛親王韻

瞳瞳旭日映波浮海外妖氛忽爾收喜見三
軍精銳力宣揚威武壯神州

恭遇

皇妣忌辰書感

靈櫬遲遲入帝京櫻花散落烏哀鳴回頭靜
浦淒涼景拍岸寒潮咽有聲

臨靖國神社大祭有作

武夫重義不辭危想汝從戎殞命時靖國祠
中嚴祭祀忠魂萬古護 皇基

春日偶成

上林花木向春榮
習習東風雨正晴
天意人心相合好
綿蠻鶯語又怡情

春日水鄉

習習東風滿水鄉
分明佳景屬春陽
輕寒輕暖天成候
半落半開花競芳
曲渚釣魚情可遣
扁舟賞月興難忘
數聲鶯轉知何處
垂柳

絲絲擁一塘

江湖到處便成家
飛向朔天辭水涯
猶記秋宵明月底
西風如雪散蘆花

觀新造戰艦

榛名霧島兩艨艟
海上儼然姿態雄
彷彿大山高拔地
凝將蒼翠聳晴空

山鳥首夏即事

首夏園林風氣清
雨餘新綠繞軒楹
知他求得安巢處
時有幽禽樹上鳴

宵即竹陰讀書

風竹清陰夏尚寒
庭前涼月露珠團
半宵靜坐燈光下
帝範繙來仔細看

雨中偶成

滿城霖雨氣如秋
漠漠陰雲何日收
聞說西陲洪水漲
壞廬沈稼不堪憂

晃山所見

日暮風微竹樹間
新涼生檻足怡顏
隔溪漠漠歸雲合
光景依稀畫裏山

新秋

一林樹色白雲收
石徑青苔傍水流
倚檻微

吟覺衣薄月明今夕入新秋

秋涼

秋來薄露促蟲聲清夜階前唧唧鳴在手齊
紈不須動箇中涼味愜幽情

臨議會有感

外交內治重經綸國運興隆逐歲新賴有臣
民能議政和衷協贊竭精神

即位式後大閱兵青山

堂堂隊伍陣形成練武場中大閱兵正是車
馳馬嘶處芙蓉晴雪映旗旌

示萬里小路幸子

歷事三朝備苦辛從公導衆見情真百年全
壽何須卜老健後宮推此人

望富士山

神州瑞氣鍾曉日照芙蓉雪色何明潔餘光
被衆峰

詠海

積水連天足偉觀百川流注涌波瀾由來治
國在修德德量應如大海寬

詠鶴

十洲三島路迢迢仙翮飛來此地飄佇立好

從松下望縞衣如雪點晴霄

詠梨

鳳卵稱佳果美味蔑以加靈液能癒渴不比
餐紅霞殿中間倚榻消暑時勝茶想見春雨
後欺雪枝枝花

高樓

高樓獨坐夜將分萬里晴空無片雲俯讀詩

書知古道仰觀星斗察天文

寶刀

自古神州產寶刀男兒意氣佩來豪能教一
掃妖氛盡四海同看天日高

偶感

將卒堂堂氣象雄攻城野戰策奇功若能使
爾加精銳會見隨年國運隆

老将

白髮將軍鐵石腸據鞍顧眄氣猶剛夢中夜
夜煙塵裡叱咤精兵百戰場

飛行機

凌空倏忽渺天程上下四方隨意行此物如
今稱利器應期戰陣博功名

朦朧

艤艫先後破波濤將卒三千意氣豪半夜舵
樓對明月一天雲盡雁行高

西風驅馬度荒原秋草茫茫天欲昏深入敵
中迷徑路燈光遙認數家村

賴襄
終生在野抱誠忠筆挾風霜氣慨雄議論堂

堂竭心血文章報國有誰同

北畝親房

千戈滿地暗風塵著述千秋筆有神顛沛不
移心若鐵能明大義古忠臣

芳野懷古

芳山秀出白雲中萬樹櫻圍古梵宮往事茫
茫遺恨在

延元陵上鳥啼風

宇治採茶圖

宇治田園綠葉新羅裙纖手采茶人鳳凰堂
畔歌聲緩一樣東風四野春

身延山圖

樹密山深石徑斜爛然佛閣帶雲霞開基僧
去多經歲猶有鶯聲唱法華

農家圖

農家幾處掩華門清風滿地絕塵煩豚柵鷄
埒相連接田畝耕耨世業存秋穀已登輸租
稅時招隣人酒可溫

元寇圖

元寇傳警到紫宸臨機果斷有武臣國家
安危之所決

上皇以身禱

明神敵軍十萬忽覆沒西海從此絕邊塵對
圖懷古情不盡茫茫弘安七百春

此詩係... 弘安七百春... 西海從此絕邊塵... 明神敵軍十萬忽覆沒... 圖懷古情不盡茫茫

大正五年

新年書懷

日照瑞雲年又新梅花香動入陽春禁園早
有黃鶯轉和氣欲頌天下人

一月八日閱觀兵式

春風滿野旭光明馬上東西閱萬兵威武堂
堂軍氣肅時聞部將指揮聲

偶成

讀書三十歲治化意常存涵養剛柔德優游
禮樂園每看時運變輒證聖人言一室春風
滿此心誰與論

葉山偶成

積水涵虛霽色開葉山彷彿是蓬萊魚龍出
沒知何處萬里長風海上來

奈良

飛花芳草鳥頻呼春日遲遲舊帝都雲外鐘
聲何處是燦然金碧幾浮圖

恭謁

全畝傍陵

松柏圍山綠鬱然白雲搖曳
寢陵前摩基
垂統仰

天業緬邈二千五百年

望金剛山有感於楠正成

金剛律岸勢何豪絕頂浮雲想白旄絕代忠
臣憑大義偉勳長與此山高

同

一峯高在白雲中千歲猶存氣象雄不負
行宮半宵夢長教孫子竭誠忠

即事

牡丹花謝不留香新樹青青映南堂薰風日
午吹入座儒臣時復講文章追思五絃解民
愠夏景冲淡興自長晚來無人間坐久九重
雲物盡夕陽

晚步庭園

綠樹看將暝庭園晚步時一痕新月影早已

印清池

夏日即事

榴花紅似火綠葉滿繁枝倚檻看殊好南園
雨霽時

觀螢

綠樹陰深月色微清風一陣拂炎威水邊螢
火如星亂又照詩書入殿幃

農村驟雨霽
沛然雨過近黃昏殷殷鳴雷雲與奔想得農
夫多喜色稻田水足一村村

農夫辛苦務耕田流汗淋漓久旱天忽看沛
然雷雨起黑雲潑墨碧山前

初秋偶成
今日照初晴高屏對畫火

天清露下早蟲吟月照階前涼氣侵燈火可
親好披卷文章欲見古人心

機餘時讀案頭書溫故知新樂有餘記取秉
鈞廊廟士正心誠意慎其初

海天正空闊日霽遠帆明直駕長風去何人

掣巨鯨

看飛行機

晴日風收不起波白砂灣上我來過一機倏
忽航空遠即自山前下海阿

楠正成

勤王百戰甚艱辛妙算奇謀本絕倫臨死七
生期滅賊誠忠大節屬斯人

楠正行

勤勞王事節逾堅表志題扉歌一篇不負當時遺訓切千秋忠義姓名傳

平重盛

跋扈貪榮諫乃翁闡明大義有誰同平生涵養謙虛德造次能全孝與忠

諸葛亮

至誠不敢事權謀三顧感恩興漢劉名世文章出師表忠肝義膽照千秋

岳飛

萬兵運用巧如神高義精忠挺一身百世煌煌兼墨妙真卿以後有斯人

愛宕山

樓閣參差千萬家總山品海望中賒塵飛不

到神靈地古木蒼蒼夕照斜

神武天皇祭日拜鳥見山祭

靈時圖

確如明達仰英風創建神州

帝業隆報本兼垂無極統感深

靈時畫圖中

仁德天皇望炊煙圖

高津宮闕望炊煙

御製于今輝史編四海

洋洋恩澤洽

聖君修德不違天

樵夫

伐木丁丁響翠巒負薪歸去夕陽殘聞言朔

北曾從役今老山中鬢影寒

桃源圖

漁舟泝流往問津煙霞深處絕埃塵桃華風
暖雞犬靜居民生息互相親由來為政忌苛
刻苛刻爭教風俗淳仙源今在畫圖裏使人
空思駘蕩春

庶民歡樂圖

庶民歡樂昇平東風吹暖酒堪傾櫻花爛
漫春色麗影蘸一川水波明四海無虞狼烟

絕游賞今日尤怡情畫師得意揮彩筆眼前
彷彿聽歌聲

Blank columns for text on the right page.

大正六年

元日

斗回晴日照佳辰料識人心與歲新
歐土風雲猶黯淡熙熙東海物皆春

尋梅

林間通一逕獨步訪梅來日霽寒香動
花從雪裏開

御製詩集 卷下
寒香亭

園林春淺雪餘天
剪剪風來鳥語傳
好是寒香亭子上
梅花相對似神仙

初夏

風吹修竹綠雲氣
淡還濃遠近秧應插
鴉鳩似勸農

薰風

薰風吹百草原上
綠青青樹下行人息
鳥聲間可聽

雨中即事

濛濛細雨鎖春城
明日難期陰與晴
卻喜土膏多潤澤
西疇南畝好農耕

插秧

水田千畝雨聲中
男女插秧西又東
農事由

來國之本陰晴兩順願年豐
西又東
貧女

荆釵布被冷生涯無意容姿比艷花
晨出暮歸勤稼穡年年辛
苦在貧家

蕈

滿籃松菌采于山佳味如斯可助餐
飽受清秋風露氣生香偏在樹根間
下下入息真覺

蟹
江鄉烟冷晚秋時郭索經過水一涯
休道無腸只多足橫戈被甲見雄姿

鸚鵡

一語鸚鵡弄奇音飼養雕籠歲月深
聞說南方花木美幽栖當日在清陰

雁

千里飛來南國秋，淒風殘月宿蘆洲。
可憐此物亦辛苦，終歲唯為梁稻謀。

下對李白觀瀑圖

一道銀河落九天，香爐飛瀑帶晴煙。
何人至此傳佳句，唯有風流李謫仙。

五嶽松鶴遐齡圖

瞳瞳海日映波時，仙鶴翱翔雪羽披。
好養遐齡蓬島裡，春風吹滿老松枝。

齡蓬島裡春風吹滿老松枝

儲勳嘉野春風和雨長餘輝

欽惟

先帝居

東宮之日命儒臣講經旁寄情於文苑

登極以後

萬幾少暇而典學如舊前後

御製詩積盈古今體凡一千三百六十七首皆

出於

天懷之自然不事粉飾不求技巧而藻耀竟不

可掩仰窺

帝王氣象尋常詩人之不能企及在此臣等恭

奉

聖旨從事校理選其精華得二百五十一首分

為二卷但學術淺陋目迷取舍倘有藍田

遺玉碧海沈珠莫任恐懼之至

昭和二十年十月謹錄上

宮內次官臣大金益次郎

圖書頭臣池田秀吉

皇太后宮大夫臣大谷正男

掌典長公爵臣三條公輝

侍從次長伯爵臣甘露寺受長

帝國學士院會員臣狩野直喜
文學博士

帝國學士院會員臣鈴木 虎雄

文學博士御用掛臣加藤虎之亮

圖書寮囑託臣木下 彪

皇太子宮大夫大谷 五男

別當臣工藤 壯平


宮內事務官臣林金與之助

御味宮內事務官臣本郷 定男

元宮內次官男爵臣白根 松介

元圖 書 頭臣金田 才平

				<p>刑圖 書 願 金 甲 本 平</p>	<p>內 火 官 用 書 自 財 具 沐 粉</p>	<p>古 書 書 書 書 木 漆 定 界</p>
--	--	--	--	-----------------------	----------------------------	--------------------------



終

